

4-§. Asosiy vositalarga o'tkaziladigan kapital qo'yilmalar

22. Asosiy vositalarga o'tkaziladigan kapital qo'yilmalar asosiy vositalardan foydalanishdan kelgusidagi iqtisodiy naf oshganda ularning boshlang'ich qiymatini oshiradi. Kelgusidagi iqtisodiy nafni oshirmaydigan boshqa barcha xarajatlar ular amalga oshirilgan davrda xarajatlar sifatida tan olinishi lozim.

23. Asosiy vositalarni qo'shimcha qurish, qo'shimcha asbob-uskunalar bilan ta'minlash, rekonstruksiya, modernizasiya qilish, texnik qayta qurollantirishga xarajatlar, ular tugatilganidan so'ng, agar ular natijasida asosiy vositalar ishlatilishining dastlab qabul qilingan me'yoriy ko'rsatkichlari (foydali xizmat muddati, quvvati, qo'llash sifati va h.k.) yaxshilansa (oshsa), bunday ob'yektning boshlang'ich qiymatini oshiradi.